



# მთრახვი

იუძორისტ. ჟურნალი

№ 7

გამოდის ყოველ-კვირულად. მასა უფრო გამოიგზავნება ამ ადრესით: თბილისი, Типография Шрома, Теофили Болквадзе

## ქრისტიანე აღსდგა!

*Handwritten signature or mark.*

6480



კ. კიკელიძე.  
ხმ. ს. ი. ვ.

ბრძოლის ველზე.



## ქრისტე აღსდგა!

ვაჰქა წყვილი, (სიზმარში ვნახე) და დაითრგუნა ფარისეველი,  
 ცას გადევარა შავი ღრუბელი, აღსდგა იესო ნაზარეველი!  
 დამარცხდა ტლანქი, უხეში ძალა, იუდა მრუში, შხამით აღვსილი,  
 დაინგრა ტახტი უსამართლობის, აღსდგა სიმართლე ნათლით მოსილი!  
 კვლავ გაიმარჯვა ქეშმარიტებამ, დაგვიდგა ხანა შვების მომგვრელი,  
 ხარობს ქვეყანა, მთელი სამყარო, ისმის სიმღერა საამო-ნელი.  
 ყოველ კუთხეში გაისმის ხმები: მაშვრალნო, აღსდგე და განიხარე,  
 შემოუერთდი საერთო მეჯლისს და უკუ-აგდე შავი სამარე.  
 გეყოფა მსხვერპლი, ტირილი, ჭმუნვა, კუბო, საფლავი, გოდება მწარე,  
 აღსდგა სიმართლე, ჩაები ფერხულს, გამზიარულდი და ინეტარე!

გამომეღვიძა, ვიგრძენი ტანჯვა—ისევ ცრემლები, სისხლისა ღვარი!..  
 ოჰ, რა ცუდია მწარე ცხოვრება და რა კარგია—ტკბილი სიზმარი.

გოგია.

## აქ ღა იქ...

აქ აღდგომაა იესოსი, ტანჯულ-გვემულის,  
 იუდთა ხელით დამარხულად ვინც რომ გვეგულის;  
 თვით მიწამაც ვერ დაიტია ეკლის შემკულის  
 გული—მოძღვრება ჩვენის მოძღვრის მწარედ ტანჯულის...  
 და ჰა იგრგვინა, აღმოხეტქა ძალთ-ძალით მკვეთრით,  
 უკუ აქცია იუდთა ბრბო და აღსდგა მკვდრეთით...  
 აღსდგა იესო!.. მტერი სტირის, მოძმე იცინის,  
 დუღუკი მოსთქვამს, ჩანგი ჟღერავს, ღროა აქ ლხინის;  
 ისმის ზართ რეკა და სანთლები ხალხს ხელთ უნთია,  
 ზოგმა მორწმუნემ, სიხარულით ღამეც უთია...

\* \* \*

იქ კი, იქ ნაცვლად სიხარულის, ნაცვლად ლხინისა,  
 ისმის ხმა მწარე ან ზარბაზნის, ან საყვირისა;  
 ნაცვლად მილოცვის—ერთმანეთსა გულსა უპობენ,  
 ნაცვლად აღდგენის სიცოცხლესა ადრე უსპობენ...  
 მის. ნინოწმინდელი.

## კენესის, ოხრავეს ქვეყანა!..

(უძღვნი ფ. ნ—ს.)

თოფ-ზარბაზნებით უხმობენ ვაშკაცთ, ძალებსა ქმნიან,  
 —„მტრებისაგანო იხსენ სამშობლო“, — გაიძახიან...  
 და მეომარნიც ბრძოლისა ველზედ ირაზმებიან.  
 ისმის ყიჟინა, სამსხვერპლოზედა ეწირებიან...  
 იბრძვიან გმირნი, „შემოსულთ“ რის უყურებენ  
 და წლობით ნაშრომს ყუმბარებით ანადგურებენ...  
 უმანკო სისხლი, ნაკადულათ მოსჩქეფს ყველგანა,  
 დედა შვილს სტირის, და ძმასა გლოვს, ოხრავეს ქვეყანა...  
 „სამშობლოს იცვენ...“ მხოლოდ სდუმრან არაფრის მქონე,  
 (თუმცა-ღა ერთხელ, იგიც იყო ძალზე გამგონე...)

ახლათ მოსული.



# აღდგომა დღე ქალაქში

აღდგომა დღეა. ქილაქი ქუჩებში ისეთი მოძრაობაა, თითქო ხალხს ეშინიან ენვერ-ფაშა მოდის არდაგანიდანაო. ტრამვაის ვაგონებში ტევა არ არის. მიქროლავენ ავტომობილები და ფაიტონები. ტროტუარები სავსეა ხალხით. ყველა მიეჩქარება. უნტროსები მირბიან უფროსებთან.

აგერ პოლიციელი უსტვენს, ხალხი მოგროვდა.

პოლიციელი ჯავრობს.

— აბა რას მოგროვდით... დაიშლენით... რა ნახეთ აქ საყურადღებო? კვლარი კაცი აღარ გინახავთ? გულ წასული ხომ გინახავთ... დაიშლენით, თორემ კბილებს ჩაგამტვრევთ...

რა ამბავია?

ტროტუარზე წევს კარგათ ჩაცმული მოხელე. გულ წასულია, პირდაღებული.

ვაშე ბლაგორადიე! ადექით, აქ წოლა არ შეიძლება.

კაცი ვერ მოასულიერეს, ჩასდეს ეტლში და სამკურნალოში წაიყვანეს.

ექიმმა როგორც იყო მოასულიერა.

— ავათა ხართ? რა დაგემართათ? რა გტკივთ? რათ წავგივადთ გული?

— ქრისტე აღსდგა!

— ჭეშმარიტათ...

— მომილოცნია, ღმერთმა მრავალ წელს დაგასწროთ.

— გმადლობთ. თქვენც დაგასწროთ, მაგრამ... რა გტკივთ? რათ წაიქცეთ ქუჩაში? აბა მოიგონეთ. ხომ არაფერი დაგიღვივათ?

— არა, არა... არაყი და ღვინო ხომ აკრძალულია...

— მაშ გული რათ წავგივადთ?

— დავილაღე, მოვიქანცე...

— ბევრი იარეთ?

— არა... ბევრი არ მივლია. ნაწირვეს ჩაი გიახელით. ღვინო არა მქონდა. დილით გალაგინსკზე წავე-

დი ივან-ივანიჩთან... ჩვენი უფროსია... მიულოცე. იქიდან რკინის გზის სადგურზე ვაველი ფეხით. ტრამვაიში აღგილი ვერ ვიშოვე, ეტლი კი ძვირია. იქიდან მიხეილის ქუჩაზე წამოვედი...

— ექიმო, ერთი გულ-წასული მოხელე კიდევ მოიყვანეს...

— მიხეილის ქუჩაზე მეორე უფროსთან გახლდით, მიულოცე ქრისტეს აღდგომა. ამ უფროსს არაყი და ჭკონდა, ღვინოც. არ ვიცი, სად და როგორ უშოვნია... ცოტა დავლიე, მიულოცე, ხომ ვერ ვაწყენინებდი. კარგი კაცია, გულ-კეთილი... ივან ივანიჩს არა ჰგავს.

— ექიმო, ერთი მოხელეც მოიყვანეს, მოახსენა ექიმს პოლიციელმა...

— იქიდან ვერაზე წავედი მესამე უფროსთან. ისიც კარგი კაცია.

— იქაც ფეხით წახვედით?

— დიახ... რას იზამ! მცირე ჯამაგარი მაქვს. ავტომობილი ვინ მომაშავა?... ეტლი ძვირია, ტრამვაიში კიდევ აღგილს ვერ ეღირსები...

— მერე?

— მერე ავლაბარში წავედი ნათლიმამასთან. მდიდარი ვაჭარია. რას იზამ? რომ არ წავსულიყავ, ეწყინებოდა. იმასაც ღვინო ჰქონდა. ორიოდე ჭიქა დავლიე. რომ არ დამეღია, ეწყინებოდა. იქიდან ორთაქალაში წავედი ბიძაშვილთან. არ შეიძლებოდა არ წასვლა. ახალი წელი არ მიმილოცნია და ძლიერა სწყინდა. მერე სოლომონ მღვდელთან შევიარე, ჩვენ მღვდელთან, მეტი რა გზა იყო რომ არ მიმელოცნა! მერე კნენა ბარბარესთან შევიარე, ჩვენი ნათესავია და შემწე. დიდი საქმის გაკეთება შეუძლიან, ქალაქში ყველას იცნობს, იმის წყალობით ჩინი მომიმატეს... არ იქნებოდა... ორიოდე ჭიქა ღვინო იქაც დამალევენეს, ორიოდე წითელი კვერცი გიახელი, მერე პორფირე ვაჭართან ვიყავი, ფული მმართებს, იწყენდა, არც ფულს მაძღვეს და არც მომილოცაო. მერე ნიკიფორესთან შევიარე... მერე გული წამვიდა...

ცოტა მოასულიერეს საბრალო მოხელე და ურჩიეს შინ წასულიყო.

— არა, არა, ხუთიოდე ოჯახი კიდევ დამრჩა, უნდა მიულოცო.

წავიდა მისალოცათ მოხელე, კიდევ გული წაუვიდა, მაგრამ ველარ მობრუნეს და სული განუტევა.

საუკონათ იყოს ხსენება მისი... მეორეთ მოსკლის დროს აღსდგება...

ეშმაკის 3 ნი

## ნუ დავზოგავთ

დღეს — როდესაც მთელ ქვეყანას კარზე ადვას ვასაქირი, ომი — ტყვია, ხოცვა-ჟლეტა და ათასი სხვადა ჭირი; როცა სიკვდილს, პირზე სიკვდილს აულესავს გრძელი ცელი და უწყალოდ კაცთ სიცოცხლეს მკის ყოველგან საძაგელი; როცა ძაძით იმოსება ქალაქ-დაბა მთლათ სოფელი, სისხლით ირწყვის მთა, კლდე, ბარი, ტყე და ქალა, მინდორ-ველი; არვინ იცის ხვალ ისევე დანახავს მზისა სხივებს, ჭირი მოჰკლავს კბილთა ღრჯენით, თუ მტრის ტყვია გააცეცებს, —

ამ დროს ვინმე კუჭის მონა თუ თვის კუჭზე მარტო ზრუნავს, საბოროტოდ მისი ქკუა უკულმართად ფიქრობს, ბრუნავს; გაზიზნულებს, მშვიერ-ტიტულებს სხვის მიცემულ პურს თუ ჰპარავს და მის ნაცვლად რომ გაათბოს, გადააძრობს თავზე კარავს; ან ვაჭარი სანოვაგეს უმიზეზოთ გააძვირებს და ისედაც შეწუხებულს ხალხს შიმშილით ააყვირებს; ან სხვა ვინმე, (სულ ერთია) უსვინდისოთ ვინც მოქმედობს, ამავე დროს თავის ქებით ყოყონობს და ბევრსა ყბედობს; —

ნუ დავზოგავთ ამისთანებს, მათ მათარხი გადუჭიროთ, შევარცხვინოთ მით საქვეყნოთ და მწარე ხმით ავაყვიროთ, —



რომ შედეგში მოიშალონ  
 უსვინდისო საქციელი,  
 ხალხის ყვლეფას, თაღლითობას  
 აღარ მიპყონ კვალოთ ხელი.  
 ნუ დავზოგავთ, თუ გინდ იყოს  
 მოყვარე და ნათესავი,  
 უნდა ყველას გადუქიროთ,  
 ვინც კი არის ფილიდი, ავი.

ბერი ქედანი.

## მეგობრული მათრახები

### ჩვენს „უშაპებს“

თანამშრომლები ბევრი გვყავს  
 „მათრახზე“ დანაფიცები,  
 მაგრამ თვით-ნება, ცუდლუქნი,  
 როგორც სამოთხის „პრინციები“!  
 პატრონი არ ჰყავთ ზოგ-ზოგებს,  
 რომ აუწიწონ ყურები,  
 თორემ, თითოვნვე არიან  
 მათრახით შესახურები.

პირველი იმათაგანი  
 ცნობილი „ირეთელია“,  
 (დაეძებ, ვერსად იპოვნი,  
 კვირა გაივლის მთელია!)

ეშმაკი ეგზომ ზარმაცი  
 მე არსად გამოგონია  
 (რომ ვუცქერ, ადამიანთა  
 შთამომავალი მგონია!)

„პიტნა“ ყოველგან პიტინებს,  
 ეს მუსყითი მშრომელი,  
 ჩვენს რაზმშიც არის, სხვისაშიც,  
 სამ სკამზე არის მჯდომელი!  
 მეოთხეზეც რომ გადაჯდეს  
 ვინ გაამტყუნებს, რომელი,  
 მაგრამ დაქანცავს („ჯდომანი“)  
 ესოდენ განუზომელი.

ყარაჩოხელი ეშმაკი  
 ერთი გვყავს, დაუზარელი,  
 ვინ არის, გითხრათ? — ეს გახლავს  
 ანტონა „განჯის-კარელი“.  
 პირში თქმა უყვარს ყოველთვის,  
 არავის მოეხათრება!  
 (მუზა კი მაშინ ეწვევა,  
 როდესაც მაგრათ დათერება!)

„შანკოლა“ ბოლო ხანებში  
 მათრახს ვერ იქნევს მწარესა,  
 მიტომატ, გაიძვერები  
 გამრავლდენ მისსა მხარესა.

მაგრამ უსტარი მიჯღეთ.  
 ახმაურებას გვბირდება.  
 (ის თუ კარგათ გვყავს, გურიას  
 მაშინ რა გაუქირდება?)

„ცხვირადე“ დაღუმებულა,  
 ოზურგეთელი მშვერავი!  
 (იქნება სტვირი გაუტყდა?  
 ვუდა აქვს შესაკერავი?)  
 ვაი თუ მტრებმა დაჩაგრა  
 და ცხვირზე გაჰკრა ბრქულები?  
 (მაშინ ხომ ბუქნას დაუელის  
 ზოგ-ზოგი ქუჩის ქალები!).

ნეტა რა ქარმა წაგვართვა,  
 აღარსადა სჩანს „წაველა“!  
 ბევრიც ვეძებო, სად ენახავ,  
 (ქინკაა, ერთი მტკაველი!)  
 თუ მისით არ გამოჩნდება  
 ის ჩვენთვის დაკარგულია,  
 (მწვავე მკბენარი რომ იყო  
 მიტომატ გვეწვის გულია).

მაგრამ ზოგიც რომ დაეკარგოთ  
 მინც ბევრი გვყავს რაზმები;  
 (დადიან ყოველ კუთხეში  
 მათრახით შენაკაზმები).



როტ-რა

საქართველოს მოღვაწენი ეძლევიან განცხრომას  
 და ერთმანეთს უღოცავენ ქრისტეს მგედრეთით აღდგომას,



ლაშის დაიპყრან ერთიან  
ქალაქი, დაბა-სოფლები  
და გაიძვრა ჩაჩებსა  
ბევრსა უტირეს მშობლები.

ულოცავ ყველა „ეშმაკებს“  
აღდგომის ვათენებასა.  
(ხალხი თუ ურჯულო ვაზდა,  
ჩვენ მიყვებით ქრისტეს მცნებასა):  
ყველამ იცოდეს — მართალსა  
ნურავინ მისცემს ვნებასა,  
თორემ სასტიკად მოვიტხოვთ  
იმათ პასუხის გებასა.

მათრახოსანი



### ნუ დამანახვევით...

იქით წაადეთ, ნუ დამანახვევით,  
ნუ დამანახვევით მაგ წითელ კეურტსა,  
მამოაფარეთ, ან გაათეთრეთ —  
ნუ შესვრით ტუფას, ნუ შესვრით შესსა;  
სუ შეუბნებთ — დაგვივარაო,  
ეს ჩვენა კეურტა შესსა დასძლევს;  
ეკ სიტყვა ნაშნავს სასხლის ნოსკვას,  
წითელი ფერი იმიტომ აძეს;  
იმიტომ აძეს... და იმიტომ ძძლეს,  
რომ მოძმეთ სასხლი დღესად ითაქვას  
და ვაი თუ ეგ — ამ სასხლის ზღვაში,  
ან შეიღება, ან იღებება...

უჩინარი.

### გურული სცენა


(საადგომოდ)

ღმერთი ამოადგებს იმის ოჯახს,  
ვინცამ ცოლის შერთვა მოიგონა.  
შევიქენი ოცდა ერთი წლის, გაღ-  
ვახტა საღდათობის და შეიქნა ჩემს  
ეზოში ასეარე. დღე ერთი იყო და  
სამოცი შევიდოდა შვამავალი...

შერთვა ცოლი, გაახარე შენი  
დღე მამის გული და ჩვენც ქორწილი  
გვაქამეო. აწი მოპყვებოდა დედა ჩე-  
მი, იმ დღეს, რომ მოვესწრებოდე  
ჩემს შვილს ცოლიან ვნახადე, სიკ-



მწუხარება.



მხიარულობა.



ყვილის მერე არაფრად არ ჩამვადგებო... აი დასაქცივი წასტავლი კაცებიდან მქონდა ვაგონილი, ქალი ჯერ უნდა გვიცნო, ხასიათები გვიგო და ცოლათ მერე უნდა შეირთოვო... გვეიცანი ერთი ქალი, მომეწონა და გადაწყვიტე რათაც უნდა დამიჯდეს ცოლათ. უნდა შევირთო მეთქი. გადავიწყვერტე უღვაშები, დავპარაფე თვალეები და დაუწყე არაშოყობა. არ გასულა დიდი ხანი, მოვაჭახრავე საქმე და დევიწერე ჯვარი. სადმე რომ ცოლებზე დევიწყებდენ ამბავს მეც ვადვისვამდი უღვაშებზე ხელს და ვიტყოდი: ჩემი ცოლი ძაან ლამაზი არ არის, მარა ხასიათი კი ძაან კარგი აქ მეთქი.. აწი საწყალი ჩემი დედ-მამა სულ ამას ლაპარაკობდენ: მოგვეხმარა ღმერთი, რომ რძალი კიი ხასიათის შეგვხდაო... თურმე პირველათ მოგვანჩვენა თავი, თვარა კიი ხასიათის კი არა, შავი ჟამი ყოფილა.. არ გასულა სამი თვეი, რომ ჩემსას სამოცჯერ შეიქნა ნიგუზალის ფრიალ-ფრიალი. იმდონი ქნა, რომ დედ-მამას ჩამომამორა და ყველა მეზობლები გადაშვიდა...

ეჩინება ერთი მისი ნათესავი ქალი და დღეი და ღამე ერთათ იყვენ, იყიდეს ამ სააღდგომოთ ერთნაირი საკაბეები და კვრადენ ერთათ. მეც ეზოში ვმუშაობდი, რაცხა ეზოში ყვირილი შემომმესმა, შევარდი სახლოში, მოსვლიენ ამ დასაღუპავ კაბას ჩვეუროკაზე ჩხუპი. ჩაფრენიენ ერთი მორეს თმაში და წიწვეენ აქითიქით. ჩავარდი შუაში ვავთიშაე მეთქი, წამოვკარი ჯორკოზე ფეხი და ცხვირი და პირი კი დავაბდლაღე კვრიაზე. ცხვირ პირი ჩევიმტერიე, ორი წინე კბილი ჩევიგდებოე და ავი ყველა ჩემი ცოლის კიი ხასიათებით დამემართა...

აღდგომა დილას მევიდა ჩემი მეზობლის ბაღანე, ქრისტე აღსდგა მითხრა და წითელი კვერცხი მომილოცა. მოტრიალდა ჩემი „ქენინა“ და ბაღანას კითხა: ლადიკო! ახალი კაბა თუ მშვენისო?—შენ კაბა გშვენის და ბიძიას კი უცბილობა აუწნოებსო.

რ. ჯიბილ.

### ქრისტე აღსდგა!

(ბრძოლას ვეუღიან)

ქრისტე აღსდგა! ძმა მილოცავს, ნუ ჯიუტობ, იწამეო.

შენ ტყვიები გადაყლაპე, (სახლ-კარი და მიწა მეო).

ქრისტე აღსდგა! რას უყურებ, ცეცხლს და მახვილს ეკვეთეო, მტერი მუსრე რაც შეიძლო, გაახარე მოკეთეო.

ქრისტე აღსდგა!—დედა მწერავს, აღსდგა, შეილო, მის მოძღვრება, იმედია მის აღდგენით სისხლი აღარ დაიღვრება.

ქრისტე აღსდა და ეს ომიც გათავდება უეჭველად, კაცი კაცსა აღარ მოჰკლავს ყვავ-ყორანის შესაქმელად.

ქრისტე აღსდგა!—ცოლი მწერავს, მალე მოსვლას ესწრაფეო, თორემ ხელთა ვაგისხლტება რაც კი ჩემზედ იჯაფეო.

ქრისტე აღსდგა! იმისთვის რომ გვერღზედ მიჯდე, მასიამო, ნეტარების ხის ნაყოფი შენც მიირთვა, მეც მაქამო.

ქრისტე აღსდგა!—ძმა მილოცავს, ნუ ჯიუტობ, იწამეო.

შენ ტყვიები გადაყლაპე, (სახლ-კარი და მიწა მეო!)

ა. ვანჯის-კარელი.

### სააღდგომო კაბა

(სეჰმობა)

ყველაფერს მისი დრო გაუჩინა ღმერთმა, რა დროს ხუმრობაო, იტყვიან ზოგიერთები. მოუწერე ხუთითიები ამის მთქმელს. სწორედ რომ ცუდი დროის მომსწრე დავრჩით, მაგრამ წირვის უმაღ საწირავს ნურავინ გადხდის და ნურც ჩემი წერილის მარტო სათაურის წაკითხვა ვაჯავრებს; ვებუზრე სწორედ ისეთს, ვისაც ეხუმრებოდა.

„ვიზიტი“ სხვებისთვისაც მსურდა გამეკეთებინა, მაგრამ პირველად ვით

აღდგომას და კოცნის დღეს უმანკო ტუნებით გრიშაშვილს მივადექი. შესვლისთანავე მოვეხვიე, „ტუჩიტუნით გადურაზე“ და მაგრათ ჩავპროშტე.

— უკაცრავად ყმაწვილო, ვერ გიცანია, ამოშაქრა მისებურათ.

— მე, პოეტო, ერთ-ერთი თქვენი ლექსებით გაქათინაურებულთაგანი ვახლავარ და აღდგომა დღე სწორედ თქვენ გასაცნობათ გამოვიყენე.

—ძლიერ სასიამოვნოა, ჩემი სახლ-კარი მუდმივ ღია არის ჩემი თაყვანისმცემელთათვის მიუხედავათ ნაცნობობისა.

— უკაცრავად, პოეტო, მაგრამ თაყვანისმცემელთა რიცხვში კი ნუ ჩამწერთ.

— როგორ? რას ამბობთ?

— მე მგონია ძლიერ მოკლედ და მკაფიოდ მოგახსენეთ თქვენმა ლექსებმა გამაქათინაურეს მეთქი.

— მესმის, დიახ! კარგათაც მიეხვდი, მაგრამ ნუთუ თქვენ ჩემს ნიქს და მოღვაწეობას არაფრათ აგდებთ?

— ნიქს დიდათ, ნიქიერო პოეტო, მხოლოდ მოღვაწეობის კი რა მოგახს...

აქ კი სიტყვის დათავება აღარ დამაცალა, მარად ეშხის ფრთებით ალურსში მფრინავი პოეტი ნაჯინქვლ დათვის დაემსგავსა და ერთ წამს „მთვარის ვარაყით გაფერილ ძაფისაგან“ შეკერილი კაბა ჩემს ფერხთა წინაშე დაანარცხა.

— აბა კარგად დააკვირი! გუშინ ვერ მოვასწარ და ამის შეკერვაზედ წუხელ მთელი ღამე გადავათენე.

— კი მაგრამ რაზედ იწუხებდი თავს, დიდებულო პოეტო?

— როგორ თუ რაზედ? ამას წინად ერთ სატრფოს „ხელოათმანი“ უძღვენი, მეორემ ეხლა, სააღდგომოთ კაბა მომთხოვა, მესამენი და მეოთხენი ვინ იცის კიდევ რას შემიკვეთენ... თქვენ კი თურმე ამავებს მოღვაწეობას არ ეძახით...

— რახან აგრეთა და კარგი მკერვალის სახელი ვაგვარდნიათ, ჩვენც დაგიკვეთთ რამეს.

აქ კი, უმდაბლეს საფეხურზედ ჩა-



მოსული ჩემი ხუმრობა ნიჭიერმა პოეტმა უმაღლესად განმარტა და შეიძლება ავლაბრულათაც გამსწორებოდა, რომ თავისთვინ არ მეშველა...

ბორბოშა.

ჩემი „ვისიტები“.

აღდგომა ჯერ არ გათენებულა, რომ მე უკვე მოვეუხადე სავიზიტო: წელში მათრახი გავიკევე, ჯიბეში რამდენიმე ლაყე კვერცხი ჩავიდე, (კარგი კვერცხი ქრისტიანებმაც ვერ იშოვეს წრეულს, მე ვინ მომცემდა), უღვაშები გადავიწკვერტე და გამოვედი ქუჩაში.

სწორედ იმის ფიქრში ვიყავ—სად წავსულიყავ დილაზე და ვისთვის მეთქვა პირველი „ქრისტე აღსდგა“, რომ ვილაც, შავი, პატარა ტანის კმაწვილი დავინახე. ზურგზედ მთელი ქვეყნის გაზეთები აეკიდნა, ვირივით დატვირთულიყო, ხვნეშით მიქაქანებდა, ტრამეის ვაგონმა არ გამასწროს ვაგხალშიო და თან მილილინებდა:

„ყოველ დღე დავეთრევი ჩემი ბარკი-ბარხანითო, ფეხები სულ გამომენგრა ამოდენა ხახანითო!

მთელ ქვეყანას გავანათლებ („განთიადის“ ქარხანითო), თუ რომ მტერი დავამარცხე ცარიელი ქაქანითო“.

ვიფიქრე, ვინ არის ავი გაქვირებული რომ იკლავს თავს მეთქი და რომ ტვირთი შემემჩატებინა მისთვის, გავკარი მათრახი ზვინივით ზურგზე და სულ ნაფლეთებთ ვაქციე აღდგომის გაზეთები. ყმაწვილმა ჩაჯდა და გულ-საკლავათ დაიწყო ტირილი: ვაი ჩემს დღეს, ჩემს მოსწრებას, ყველა მე მირტყამს, ყველა მე მლანძღავს. რა გინდათ ჩემგან თქვე ურჯულობა, მე ჩემი ტანჯვა მეყოფაო. შემეცოდვა და გავშორდი.

გვივიარე ცოტა თუ არა, ერთი გრძელ-თმიანი ჭაბუკი მოჰქროდა გამაღლებით. ილღიაში ჟურნალები ჰქონ-

და ამოჩრილი. დამინახა თუ არა ჟურნალი შემთავაზა და მომხარაო:

„საუცხოვო ჟურნალია, ვიცი, მოგეწონებაო, გაიწერეთ ერთი ცალი თუ რომ გინდათ ცხონებაო...“

ზურგი შევაქციე, მაგრამ მეორე მხრიდან მომიარა და გამომიწოდა:

ხუთი მანეთის საქმეა, კი გაქვს. მაგის ქონებაო, ამისთანა საკითხავი არსად არ იშონებაო“.

რაკი შევატყვე თავიდან ველარ მოვიშორებ მეთქი, ვადმოვიღე მათრახი და ისე მაგრათ გავკარი ფეხებში, რომ სამჯერ გადავიდა ყირამალა. იქვე მდგომმა მეეზოვემ წამოაყენა და მოუკრიფა მოფანტული ჟურნალები. ჭაბუკმა ერთი შეუბღვირა მეეზოვეს: იცი მე ვინა ვარ? მე მეთაურებსა ვსწერ, რედაქტორი ვახლავარო და იმასაც შესთავაზა ჟურნალი:

— საუცხოვო ჟურნალია, ვიცი მოგეწონებაო...

მაგრამ მეეზოვემ სიტყვა აღარ დაასრულებინა, ცოცხი ვაჰკრა ცხვირზე და შეუტია:

— დაიკარგე შენ და შენი გაიძვერა ჟურნალიო, თორემ ისეთს ვითავაზებ ვერ მოგარჩენს მკურნალიო.

ჭაბუკი გულნატკენი გზას გაუდგა, აღდგომა ჯერ კრდევ არ გათენებულა, მაგრამ მე კი გადავსწყვიტე, პირველი ვიზიტი „თემის“ რედაქტორისათვის გამეკეთებია და ერთი კვერცხიც მიმელოცნა.

(შემდეგი იქნება)

ეშმაკეული.

ს ც ე ნ ა

(მაკიტყების ჩივლით).

ნამდვილათ მეორეთ მოსვლაა რაღა მე და ჩემმა ღმერთმა! კაცო, განა ეს ვაინა და ქესატობა არ გვეყოფოდა, რომ ამ ვერანა ტიფმაც გავგიკეთა ვიზიტი! უბედურება თუ გინდა, ეს არის. ვაინას კიდენ გა-

დარჩება კაცი. ან თავს დაიბრაკავს, ან ლურჯ ბილეთს აიღებს, ან წოტელს, მაგრამ ამ ოხერ ტიფთან რა არც აპალჩენცობა სჭრის, არც პერვი რაზრიადი და არც ვტოროი! შეგეყარა მორჩა, გაყრა აღარ იქნება და სულ ხუთ დღეში პოდრუჩკით გაგასეირნებს ჯოჯოხეთის ტარტაროშთან. დვინოი ვაინაა რალა, შინ და გარეთ. არ ვიცი, რომელ ერთს უნდა გაუძლოს კაცმა! სადაც დობტურებით ბალდახინები დაზანატებულია, აბა ჩვენ რალა გვეშველება! კაცი თავიდან ფეხებამდინ წამლებში ზის, თავს ვერა ჰშველის და აბა მე რაღას მიშველის იმის გამოწერილი რეცეფი! კაცო, ხუმრობა ხომ არ არის, მთელი ქალაქი განახევრდა! ამოტელა უბიტკა ჯერ ქალაქს არ უნახავს. ჩაიქცენ რალა ეს ჩვენი ტერტერები, ბაზაზეები, მესაფლავეები და მეკუბოები! აი დახოდნი წელიწადი იმათ დაიკვებონ. ნამდვილი რთველია რალა იმათი! ერთ ორ ტერმორლორმიას წაიბუტუტებს ტერტერა, საცეცხლურს მიუქნ-მოუქნევს მიკვალბულს და გადადის ჯიბეში ყირამალა ფულები. მე შენ გითხრა ოფლი არ დაღვაროს აი! ჰამ მღერის, თავის ქიას ახარებს და ჰამ ფულებს იხზრიალებს. რა ენაღვლება თან ქეიფობს, თან აბეზბენინას იძენს!...მე ვამბობდი ვტოროი გილდის კუბეწი ვარ მეთქი. კუბეწი კი არა, ქრისტე გამიწყრეს თუ ჩვენ ხელობას ფინაზობა არ სჯობდეს დღევანდელ დროში. ამ ბაზაზემაც ხომ სული მაიბრუნეს რალა! თალხი ჩითების გაყიდვას ველარ ასლიან. დროებას დაექცეს რჯული, თორემ რასაც ბაზაზი ერთ კვირაში მაიგებდა, მე იმდენს ერთ დღეს აუსომდი. ჩემი ერთი წლის ბოთლის ნაწურით მთელ ბაზაზხანას ვიყიდდი, მაგრამ დღეს ერთი გროშიც მენატრება. არა, ცოდო არ არის რომ მეკუბოვე ავტომობილით დასეირნობდეს და მიკიტანს პერესადოჩინ კონკის ბილეთი-არა ჰქონდეს!.. ტიფი კი არა, რატომ ხორველაც ზედ არ მოჰყვება რომ ამოკლიტოს ბარემ ერთიან



ეს ქვეყნიერობა. ქრისტეს მადლმა აქრისტანა სიკაცხოვს სიკვდილი სჯობა ათასწლიათ. სად იყო, კაცო, წინათ ამისთანა ამბები გუგულოვითა ვცხოვრობდით არხინათ. პურიც ბევრი გექონდა, ღვინოცა და ფულიც. მართალია, რაც ხანი გადის, დროებაც იცვლება, მაგრამ შაცვლაც არის და შაცვლაც. მე ამისთანა აჯაფსანდალივით არეული დროება არ მინახავს. მირონცხებულმა ადამიანმა ღვინო არ დალოვო, ამისთანა გინახავთ? მაშ რილას ქრისტიანები ვართ თუ ერთი ხელადას თავი არ წაუჭკიეთ და კვდრის შესანდობელი მაინც არ დაელოეთ! არ ვიცი, არ ვიცი, ეს რა ღვთის რისხვაა ჩვენ თავზე!

დოხტურები იძახიან-თუ მუცელში, აი ის რაღაც ბაცილებიაო თუ მიკროსკოპიჩესკი ტივოტნები გაჩნდებიანო და ტიფი შეგვეყრებათო. კაცს წელიწადი თორმეტი თვე პირი აკრული გაქვს და წვეთი ღვინო ვერ ჩაგიშვია კუჭში, გაჩნდებიან მაშ რაჯანდაბა იქნება! აბა ერთი ქრისტიანულათ ნახვეარი ველრა ღვინო გა

დაუშვი მოუყურავში და ნახავთ თუ ბაცილები კი არა, დათვები რომ დაამწყვდომო მუცელში, თუ ისინიც არ გამოიხრჩვენენ შიგ. რაც წამალია იმას არ უშვებენ და ულიცებში კირს ასხამენ და სახლების კედლებს ათეთრებენ! არა ეს ხალხი რაც უფრო მეტსა სწავლობს უფრო ტუტუტდება უფლის მადლმა. ბიჭო, შათეთრება თუ უშველის, კუჭის შათეთრება უფრო არ სჯობია სახლის შათეთრებას! იმ ვერანა კუჭში არა ჩნდება ყველაფერი! აიღე რაღა და გადაუშვი კარდანახის თეთრი ღვინო და ისე შათეთრებს, რომ ტიფი კი არა, მგონია ხორცველაც ვეღარ მოგეკაროს.

ახ, დროებაც, რა ვითხრა რომ მარტო მიკიტნებისათვის მოიცალენეტა რა დაგვიშავებია ასეთი! ქვეყნას ვასშევდით, ვაქმევდით და ვამხიარულებდით. ფანთა რა გვიქნია!

ნეუთელი ვაინის გათავებამდის პრავილნი ვაქრობის ნებას არ მოგვეცემენ ოხ, გერმანიავე, ემი ცოდო გედოს, როგორც შენ მე აპეტეტი გამოიფუქე.

გოგია.

# დეკევა

**ჭიათურა.** კოპერტიული საზოგადოების ფურნე „ჩვენი ოჯახი“, რომელიც წასული წლის დეკემბერში, მძიმე ავადმყოფობის შემდეგ გარდაიცვალა, ერთი კვირაა რაც მკვდრეთით აღსდგა. ამიტომ აღარც დაკრძალვა და არც პანაშვიდი აღარ შესდგება.

ახლათ მოსული.


## მილოზვის დეკევაში

(შსსკოლასაცაზ)

**გაზეთებს.** ქრისტეს აღდგომამდე გისურვებთ ომის ამბების მეტი არაფერი წაგდომოდენ.

**„ახალ მათრახელებს.“** „ქრისტეს აღდგომასთან გილიცავთ ჩაძინებას, შემდეგ თქვენს მკვდრეთით აღდგომას, თუ ისევე არ დაგვეყვინთებათ.

**ჩემს მოვალეებს.** შორს ჩემგან, დიპლომატიურ მოსაზრებით ბოიკოტს გიცხადებთ ნააღდგომელი. თქვენ თქვენდა და მე ჩემთვის.



ეშმაკების არაღდგონა. (მილოკვა ჭიათურელ ელნილოვანებებს)